

## JAVNI POZIV za članstvo

### KULTivatori budućnosti (Savjetodavna grupa mladih)

#### Broj javnog poziva: 21.04.2-N2.1-2860

#### O INSTITUTU

Institut za razvoj mladih KULT (u daljem tekstu: Institut) jedna je od vodećih nevladinih organizacija u Bosni i Hercegovini koja preko dvije decenije aktivno provodi različite inicijative usmjerene ka unaprijeđenju položaja mladih i kreiranju društva u kojem mladi mogu da ostvare svoj puni potencijal. Na tom putu Institut blisko saraduje sa svim nivoima vlasti u BiH, drugim organizacijama civilnog društva, omladinskim radnicima, službenicima za mlade, mladim političarima i mladima. Misija Instituta jeste da razvija i zagovara pravna i druga strateška rješenja, te da gradi i jača kapacitete udruženja i vlasti u BiH i regiji, za uspješnu i održivu politiku prema mladima. Vizija Instituta je otvoreno društvo u kojem se osposobljeni građani uključuju u sve procese odlučivanja u javnom životu.

#### O SAVJETODAVNOJ GRUPI MLADIH

Savjetodavna grupa mladih se formira kako bi se osiguralo da perspektive i potrebe mladih budu integrisane u programe i inicijative Instituta. Kroz saradnju, kreativnost i kolektivno djelovanje zajedno sa mladima, cilj Instituta je kreirati i provoditi inicijative kroz koje se pitanja mladih obrađuju na njima pristupačan način i gdje mladi vode značajan dio ideja i provedbi, a u cilju boljeg položaja mladih u našoj zemlji. Pored prilike da svojim mišljenjima, savjetima, idejama i djelovanjem aktivno zastupaju mlade i utiču na status mladih u Bosni i Hercegovini, članovi Savjetodavne grupe mladih će iz prve ruke dobiti uvid u rad Instituta, nevladinog sektora, kao i saradnje sa institucijama vlasti. Također, članovi će se moći uključiti u rad različitih odjela Instituta, shodno svojim interesovanjima, te na taj način steći vrijedna profesionalna iskustva.

Savjetodavna grupa mladih će se sastojati od 10 mladih osoba iz Bosne i Hercegovine, koji se biraju na period od godinu dana. Ciljna grupa uključuje mlade u dobi od 15 do 30 godina, sa različitim obrazovnim i profesionalnim statusima, uključujući učenike, studente, zaposlene, nezaposlene i volontere.

#### AKTIVNOSTI ČLANOVA SAVJETODAVNE GRUPE MLADIH

- 1. Uvodni sastanak, upoznavanje i planiranje*  
Prvi susret članova i mentora Savjetodavne grupe mladih će se dogoditi na uvodnom sastanku, koji će služiti upoznavanju članova, predstavljanju kalendara aktivnosti i detaljnom planiranju i raspoređivanju zadataka i odgovornosti tokom godinu dana trajanja mandata članova Savjetodavne grupe mladih.
- 2. Zajedničke brainstorming sesije za osmišljavanje inovativnih ideja*  
Savjetodavna grupa će redovno sazivati brainstorming sesije s ciljem dobijanja inovativnih ideja, rješenja i strategija za rješavanje izazova i problema vezanih za mlade. Ove sesije će potaknuti otvoreni dijalog, kreativnost i kolektivno rješavanje problema, a održavaće se u online i offline formi.
- 3. Saradnja sa različitim odjelima Instituta prema interesovanjima i stručnosti članova savjetodavne grupe*

Članovi će imati priliku da blisko sarađuju sa različitim odjelima Instituta na osnovu svojih interesovanja i stručnosti. Ovaj zajednički pristup će im omogućiti da steknu praktično iskustvo, doprinesu tekućim projektima i aktivnostima i istraže različite oblasti razvoja mladih.

4. *Mjesečni sastanci sa mentorima o napretku i daljim smjernicama*  
Kako bi osigurali kontinuiranu podršku, učenje i razvoj, članovi će učestvovati na mjesečnim sastancima sa dodijeljenim mentorima. Ovi sastanci će pružiti strukturisanu platformu za diskusiju o napretku, traženje smjernica i postavljanje ciljeva za lični i profesionalni razvoj.
5. *Kvartalni generalni sastanci za evaluaciju postignuća i planiranje budućih aktivnosti*  
Savjetodavna grupa mladih će sazivati tromjesečne generalne sastanke kako bi ocijenila postignuća, raspravila o izazovima sa kojima se susreću i planirala buduće aktivnosti. Ovi sastanci će olakšati kolektivno donošenje odluka, potaknuti koheziju tima i promovisati odgovornost među članovima.
6. *Završna aktivnost sa ciljem refleksije, teambuildinga i proslave postignuća*  
Na kraju svog jednogodišnjeg mandata, članovi Savjetodavne grupe mladih će imati završnu aktivnost koja će za cilj imati refleksiju, team building i proslavu postignuća. Ovo iskustvo pružiće priliku članovima da daju povratne informacije na cjelokupno iskustvo, dodatno se povežu s kolegama i proslave svoj doprinos Institutu i široj zajednici mladih.
7. *Druge aktivnosti za koje članovi izraze interesovanje*

#### KO SE MOŽE PRIJAVITI?

Članovi Savjetodavne grupe mladih moraju ispuniti sljedeće uslove:

- Da imaju između 15 i 30 godina,
- Da su državljani Bosne i Hercegovine,
- Da su nastanjeni/žive u Kantonu Sarajevo ili gradu Istočno Sarajevo,
- Da su spremni da narednih godinu dana budu članovi Savjetodavne grupe mladih.

#### NAČIN I ROK PRIJAVE

Zainteresovani kandidati se mogu prijaviti za članstvo u Savjetodavnoj grupi mladih Instituta putem [linka](#) najkasnije do **27. avgusta 2024. g. do 23:59 sati**. Sve prijave koje pristignu nakon datog roka se neće uzimati u razmatranje. Institut će sve prijavljene kandidate obavijestiti o ishodu.

Dodatne informacije o Savjetodavnoj grupi mladih i Javnom pozivu za članstvo mogu se dobiti putem email-a [filip.jovanovic@mladi.org](mailto:filip.jovanovic@mladi.org) ili broja telefona 033 778 765.

NAPOMENA: Izrazi koji su radi preglednosti dati u jednom gramatičkom rodu bez diskriminacije se odnose jednako na osobe svih rodova.